



Concello de Vigo
Expte. 5377/1101

ACTA

PLENO DO EXCMO. CONCELLO DE VIGO Nº 4/2024

SESIÓN EXTRAORDINARIA E URGENTE DO 24 DE MARZO DE 2026

ORDE DO DÍA

- 1.- Ratificación da urxencia.
- 2.- Proposta de concesión do galardón "Vigués Distinguido no ano 2026", a título póstumo, a D. Fernando Franco Gómez. Expte. 21080/101. Expte. Pleno 5378/1101.

ASISTENTES

POLO GRUPO MUNICIPAL SOCIALISTA

Ilmo. Sr. Alcalde
Aguiar Castro, Yolanda
Alonso Suárez, Olga
Aneiros Pereira, Jaime
Caride Estévez, María José
Fernández Pérez, José Manuel
Gómez Díaz, Gorka
Iglesias González, Ana Laura
Iglesias López, Patricia
Lago Barreiro, M.^a del Carmen
López Font, Carlos
Mejías Sacaluga, Ana Maria
Pardo Espiñeira, Francisco Javier
Rivas González, Ángel
Rodríguez Calviño, Patricia
Rodríguez Rodríguez, Nuria

POLO GRUPO MUNICIPAL POPULAR

Benavides Alonso, Daniel
González Abeijón, Fernando
Martin Peña, Jose Miguel
Sanchez Méndez, M^a Luisa

POLO GRUPO MUNICIPAL DO BNG

Abalde Comesaña, Filipe
Martínez Piñeiro, Ana
Pérez Igrexas, Xabier

NON ASISTEN:

Espinosa Mangana, Elena, concelleira do grupo municipal Socialista.
Estévez Rodríguez, Pablo Luis, concelleiro do grupo municipal Socialista
Silva Rego, M^a Carmen, 1^a Tenente de Alcalde

García González, Patricia, concelleira do grupo municipal do Partido Popular

No salón de Plenos da Casa do Concello de Vigo, ás nove horas e cinco minutos (09:05) do día vinte e catro de marzo do ano dous mil vinte e seis (24/03/26), coa Presidencia do Excmo. Sr. Alcalde, D. Abel Ramón Caballero Álvarez, e asistencia dos concelleiros arriba sinalados, constituíuse o Pleno da Excma. Corporación en sesión EXTRAORDINARIA E URXENTE conforme á convocatoria e segundo a orde do día remitida a todos os Sres. e Sras. concelleiros e concelleiras coa antelación legalmente requirida.

Asiste pola Intervención o Interventor Xeral municipal, don Alberto Escariz Couso, e pola Secretaría o Secretario Xeral do Pleno, don Jose Villán Fuertes, que dá fe do acto.

Constatada a existencia de quórum suficiente para a súa constitución, o Sr. Presidente declara aberta a sesión en primeira convocatoria e procédese a tratar os asuntos incluídos na orde do día.

1.(38). RATIFICACIÓN DA URXENCIA.

VOTACIÓN:

•*Votos a favor:* dezanove (19) dos membros presentes do grupo municipal Socialista (15), señoras e señores, Aguiar Castro, Alonso Suárez, Aneiros Pereira, Caride Estévez, Fernández Pérez, Gómez Díaz, Iglesias González, Iglesias López, Lago Barreiro, López Font, Mejías Sacaluga, Pardo Espiñeira, Rivas González, Rodríguez Calviño, Rodríguez Rodríguez e a Presidencia, e mais catro (4) dos membros presentes do grupo municipal do Partido Popular, señoras e señores, Benavides Alonso, González Abeijón, Martín Peña e Sánchez Méndez.

•*Votos en contra:* Non houbo.

•*Abstencións:* tres (3), dos membros do grupo municipal do BNG, señores e señora, Abalde Comesaña, Martínez Piñeiro e Pérez Igrexas.

ACORDO:

Con dezanove (19) votos a favor membros presentes do grupo municipal Socialista (15) mais catro (4) dos membros presentes do grupo municipal do Partido Popular, e tres (3) abstencións dos membros do grupo municipal do BNG, o Pleno da Corporación municipal adopta o seguinte acordo:

Ratificar a urxencia desta sesión plenaria.

.- **Incidencia. Sendo as 09:10 horas, e co permiso da Presidencia incorpórase ao Salón de Plenos a concelleira Sra. Lago Barreiro, do grupo municipal Socialista. Continúa a sesión co debate e votación do asunto incluído na orde do día coa asistencia de vinte e tres (23) concelleiros, dos vinte e sete (27) que constitúen o número legal de membros da Corporación.*

2.(39). PROPOSTA DE CONCESIÓN DO GALARDÓN "VIGUÉS DISTINGUIDO NO ANO 2026", A TÍTULO PÓSTUMO, A D. FERNANDO FRANCO GÓMEZ. EXPTE. 21080/101. EXPTE. PLENO 5378/1101.

ANTECEDENTES.- Con data 23 de marzo de 2026, a Alcaldía emite o seguinte informe proposta,

I. LEXISLACIÓN APLICABLE

- ✓ Constitución Española de 1978.
- ✓ Lei 7/1985, de 2 de abril, reguladora das Bases de réxime local.
- ✓ Lei 39/2015, de 1 de outubro, do Procedemento administrativo común das administracións públicas.
- ✓ Lei 5/1997, de 22 de xullo, reguladora da Administración local de Galicia.
- ✓ Regulamento de organización, funcionamento e réxime xurídico das entidades locais, aprobado por Real Decreto 2568/1986, de 28 de novembro
- ✓ Regulamento Orgánico do Pleno do Concello de Vigo, aprobado por acordo plenario de data 24 de febreiro de 2021 (BOP PO núm. 87 de 10.05.2021).
- ✓ Regulamento de Honras e Distincións do Concello de Vigo, aprobado por acordo plenario de data 29 de setembro de 1981.

II. ANTECEDENTES

Primeiro.- Con data 29 de setembro de 1981 o Pleno da Corporación adoptou o acordo de aprobar o Regulamento de Honras e Distincións do Concello de Vigo.

Segundo.- No seu artigo 5, o dito Regulamento determina as clases de recompensas ou distincións que a Corporación poderá outorgar, a saber: denominación no rueiro; título honorífico (Medalla da Cidade) e "calquera outra distinción que acorde a Corporación".

Terceiro.- En aplicación do artigo 5.3. do Regulamento de Honras e Distincións, aprobado por acordo plenario de 29 de setembro de 1981, a Comisión de goberno do 14 de marzo de 1988 (actualmente Xunta de Goberno Local), aprobou a institucionalización do nomeamento de "Vigués Distinguido" para galardoar "á persoa ou grupo de persoas que se distinguiron e sobresaíron ao longo das súas vidas polas virtudes urbanas ou polo seu quefacer profesional; vigueses famosos, populares e mesmo, nalgúns casos, persoas que, polo seu labor calado ou polo seu auto-rexeitado protagonismo, non son coñecidas pola maioría.

Cuarto.- Pola súa parte, o Regulamento Orgánico do Pleno do Concello de Vigo, aprobado por acordo plenario de data 24 de febreiro de 2021 (BOP PO núm. 87 de 10.05.2021), establece no seu artigo 28.4 que a Xunta de Voceiros será consultada para a "concesión de distincións que correspondan ao Pleno".

Quinto.- En data 12 de marzo de 2026, o Pleno do Concello, en sesión extraordinaria, acordou o nomeamento de Vigueses/as Distinguidos/as. Expediente 21047-101 (expediente Pleno 5342-1101).

Sexto.- Mediante instrución de servizo de data de sinatura electrónica 18 de marzo de 2026, a Concelleira da Área de Goberno de Seguridade, Contratación, Festas e Xestión municipal, ordena o inicio dos trámites administrativos necesarios e emisión dos preceptivos informes para elevar proposta de resolución ao Pleno da Excm. Corporación Municipal en relación coa proposta de concesión do galardón "Vigués Distinguido, a título póstumo, a don Fernando Franco Gómez, en virtude do previsto no Regulamento de Honras e Distincións do Concello de Vigo, aprobado o 29 de setembro de 1981.

Sétimo.- Con data 23 de marzo de 2026, celebrouse unha Xunta de Voceiros/as co obxecto de evacuar o trámite de consulta aos grupos políticos con representación no Pleno, previsto no Regulamento Orgánico do Pleno, realizándose a proposta que se contén no expediente de referencia.

III. FUNDAMENTOS XURÍDICOS

A) MARCO LEGAL

Primeiro.- A Constitución Española de 1978 establece no seu artigo 137 a organización do Estado en municipios, provincias e as comunidades autónomas que se constitúan y determina que todas estas entidades gozarán de autonomía para a xestión dos seus respectivos intereses. No seu artigo 140 conságrase o principio de autonomía dos municipios, establecéndose que o seu goberno e administración corresponde aos respectivos concellos.

Segundo.- Neste marco legal, no ano 1985 apróbase a Lei Reguladora das Bases do Réxime Local que establece como potestades dos entes locais a regulamentaria e a de autoorganización.

Terceiro.- O Regulamento de organización, funcionamento e réxime xurídico das entidades locais, aprobado por Real Decreto 2568/1986, de 28 de novembro, establece no seu artigo 189 que as corporacións locais poderán acordar a creación de medallas, emblemas, condecoracións e outros distintivos honoríficos, a fin de premiar especiais merecementos, beneficios sinalados ou servizos extraordinarios.

Cuarto.- Pola súa parte, o artigo 190 da citada disposición sinala que os Concellos, Deputacións Provinciais, Cabidos e Consellos Insulares poderán acordar nomeamentos de fillos predilectos e adoptivos e de membros honorarios da Corporación, atendidos os méritos, cualidades e circunstancias singulares que nos galardoados concorran e que serán aplicados co maior rigor no expediente que se instruírá ao efecto.

Quinto.- O artigo 50.24 do dito regulamento determina que será atribución do Pleno da Corporación a concesión de medallas, emblemas, condecoracións e outros distintivos honoríficos e conferir títulos de fillos predilectos ou adoptivos ou de membros honorarios da Corporación.

Sexto: O artigo 191 do Regulamento de organización, funcionamento e réxime xurídico das entidades locais establece que "os requisitos e trámites necesarios para a concesión dos honores e distincións a que se refiren os dous artigos precedentes (189 e 190), determinaranse en Regulamento especial".

Sétimo.- Con data 29 de setembro de 1981 o Pleno da Corporación adoptou o acordo de aprobar o Regulamento de Honras e Distincións do Concello de Vigo. No seu artigo 5, o dito Regulamento determina as clases de recompensas ou distincións que a Corporación poderá outorgar, a saber: denominación no rueiro; título honorífico (Medalla de Vigo) e "calquera outra distinción que acorde a Corporación".

Oitavo.- Con data 24 de febreiro de 2021 o Pleno da Corporación aprobou definitivamente o Regulamento Orgánico do Pleno, que no seu artigo 28.4 establece como trámite preceptivo e non vinculante a consulta previa á Xunta de Voceiros para a concesión de distincións que correspondan ao Pleno.

Noveno.- En data 12 de marzo de 2026, o Pleno do Concello, en sesión extraordinaria, acordou o nomeamento de Vigueses/as Distinguidos/as. Expediente 21047-1010 (expediente Pleno 5342-1101).

Décimo.- Mediante instrución de servizo de data de sinatura electrónica 18 de marzo de 2026, a Concelleira da Área de Goberno de Seguridade, Contratación, Festas e Xestión municipal, ordena o inicio dos trámites administrativos necesarios e emisión dos preceptivos informes para elevar proposta de resolución ao Pleno da Excm. Corporación Municipal en relación coa proposta de concesión do galardón "Vigués Distinguido, a título póstumo, a don Fernando Franco Gómez, en virtude do previsto no Regulamento de Honras e Distincións do Concello de Vigo, aprobado o 29 de setembro de 1981.

Undécimo.- Con data 23 de marzo de 2026, celebrouse unha Xunta de Voceiros/as co obxecto de evacuar o trámite de consulta aos grupos políticos con representación no Pleno, previsto no Regulamento Orgánico do Pleno, realizándose a proposta que se contén no expediente de referencia.

B) MOTIVACIÓNS PARA OUTORGAR A DISTINCIÓN DE VIGUÉS DISTINGUIDO:

Propónse a concesión do galardón de "Vigués Distinguido no ano 2026", a título póstumo, a D. Fernando Franco Gómez, en recoñecemento a súa dilatada traxectoria como xornalista e a súa fonda vinculación coa cidade de Vigo.

FERNANDO FRANCO GÓMEZ, falecido aos 75 anos, desenvolveu unha destacada carreira como xornalista ao longo de 45 anos de profesión, sendo redactor do Faro de Vigo desde o ano 1981. Ao longo destas décadas, converteuse nun dos grandes cronistas da cidade, deixando unha pegada imborrable no relato da súa vida social, cultural e cidadá.

Considerado xa en vida unha auténtica institución en Vigo, Fernando Franco destacou pola súa capacidade para contar historias, pola súa proximidade á rúa e pola súa sensibilidade para reflectir a realidade cotiá.

Foi, ademais, unha luz informativa durante etapas clave como a "Movida Viguesa" e o auxe da moda galega nas décadas dos 80 e 90, contribuíndo de maneira decisiva á difusión e memoria destes movementos.

Xornalista de vocación e de rúa, viviu intensamente a evolución da cidade, da que foi testemuña privilexiada e narrador incansable. O seu labor profesional, unido á súa calidade humana, fixo del unha persoa fondamente querida e respectada pola cidadanía viguesa.

Por todo o exposto, propónse a concesión deste recoñecemento, como mostra de gratitude e homenaxe á súa contribución ao xornalismo e á historia recente de Vigo.

C) INCIDENCIA ECONÓMICA.

O presente expediente carece de proposta de gasto e de contido económico, xa que as distincións ás que se refire a presente proposta son exclusivamente honoríficas e non comportan dereito económico nin administrativo algún para os galardoados/as, razón pola que non se somete ao trámite de fiscalización previa a proposta de acordo.

IV.-PROPOSTA DE ACORDO:

Polo exposto, en atención aos especiais e importantes méritos recollidos na parte expositiva deste informe-proposta e no uso das competencias que a normativa vixente en materia de réxime local lle confire á Alcaldía Presidencia contidas no artigo 124.4. b) da Lei 7/1985, do 2 de abril, Reguladora das Bases do Réxime Local, modificada pola Lei 27/2013, do 27 de decembro, elevase ao órgano Pleno a seguinte.../...

Deseguido a funcionaria informante emite a proposta de acordo que se contén na parte dispositiva deste acordo.

DELIBERACIÓNS. Constan no arquivo audiovisual da sesión incorporado á Acta.

VOTACIÓN:

Votos a favor: unanimidade dos vinte e tres membros presentes (23); dezaseis (16) dos membros presentes do grupo municipal Socialista, señores e señoras, Aguiar Castro, Alonso Suárez, Aneiros Pereira, Caride Estévez, Fernández Pérez, Gómez Díaz, Iglesias González, Iglesias López, Lago Barreiro, López Font, Mejías Sacaluga, Pardo Espiñeira, Rivas González, Rodríguez Calviño, Rodríguez Rodríguez e a Presidencia, mais catro (4) dos membros presentes do grupo municipal do Partido Popular, señoras e señores, Benavides Alonso, Gonzalez Abeijón, Martín Peña e Sánchez Méndez; e mais tres (3) dos membros do grupo municipal do BNG, señores e señora, Abalde Comesaña, Martínez Piñeiro e Pérez Igrexas.

ACORDO:

Por unanimidade dos vinte e tres membros presentes (23) da Corporación, dezaseis (16) dos membros presentes do grupo municipal Socialista, mais catro (4) dos membros presentes do grupo municipal do Partido Popular, e mais tres (3) dos membros do grupo municipal do BNG, o Pleno da Corporación municipal adopta o seguinte acordo,

PRIMEIRO.- Aprobar a concesión do galardón de “Vigués Distinguido”, a título póstumo, a D. FERNANDO FRANCO GÓMEZ, consonte ao previsto nos artigos 50.24, 189, 190 e concordantes do Regulamento de organización, funcionamento e réxime xurídico das entidades locais, aprobado por Real Decreto 2568/1986, de 28 de novembro, o artigo 5.3 do Regulamento de Honras e Distincións do Concello de Vigo, de data 29 de setembro de 1981.

SEGUNDO.- “Notificar o presente concesión aos familiares ou, de ser o caso, aos representantes legais do galardoado, e publicar o mesmo na sede electrónica do Concello de Vigo, nos termos establecidos nos artigos 5.1 e 6.1. da Lei 19/2013, de Transparencia, Acceso á Información Pública e Bo Goberno”.

ANEXO ARCHIVO AUDIOVISUAL

Asunto : Pleno extraordinario proposta de concesión do galardón “Vigués Distinguido no ano 2026”
Legislatura: Mandato 2023-2027
Órgano : Pleno
Fecha Inici: Martes, 24 de Marzo de 2026 09:05:39
Fecha Fin : Martes, 24 de Marzo de 2026 09:20:54
Duración : 00:15:15

- HTML

https://sede.vigo.org/expedientes/actas/videos_actas_new.jsp?id=3646

- Media (MASTER)

[1] Video Windows Media, 720p, Stereo, 205 MiB

Url -

<https://concellodevigo.seneca.tv:443/s/PhVcU9LS0b46ceXZyAVOpKnHjI9rKgVK3F0Fftqo9YU4WrOG.wmv>

SHA512 - 4ac58dbb29ff21d5074996e426e38767ce64d5fe077edd960beaa72dbffa5c71186b6be15c10dd0b45db97bfb59b5551d623bd3b0cf86c0472f2f3bcb9687bbf

- Media (PROXYS)

[1] Video H264, 480p, Stereo, 86 MiB

Url -

<https://concellodevigo.seneca.tv:443/s/Dj7gRdPRHqtBMV3aBzXUbeuTF00ZgE03zcYmIKQT6ElJWSU.mp4>

SHA512 - 516fbb3775bba21483652c5669d6015eca4e483dde28953c0f212298d96d71abd7d443e961ca5e4f54d3bda4808c9a9fe5caffd6bdfde6df242271fb2b63d4ab

- Minutaxe

00:00:01 - Asistentes : Caballero Álvarez, Abel; Interventor; Secretario; López Font, Carlos; Aguiar Castro, Yolanda; Rivas González, Angel; Alonso Suarez, María Olga; Rodríguez Rodríguez, Nuria; Lago Barreiro, M.^a del Carmen; Gomez Díaz, Gorka; Iglesias González, Ana Laura; Pardo Espiñeira, Francisco Javier; Caride Estévez, María José; Rodríguez Calviño, Patricia; Aneiros Pereira, Jaime; Mejías Sacaluga, Ana María; Fernández Pérez, Jose Maluel; Iglesias López, Patricia; Martín Peña, José Miguel; Sanchez Mendez, Luisa María; Gonzalez Abeijón, Fernando; Patricia; Benavides Alonso, Daniel; Abalde Comesaña, Filipe; Martínez Piñeiro, Ana; Pérez Iglesias, Xabier.

00:00:14 - Caballero Álvarez, Abel

00:00:37 : 1.- Ratificación da urxencia.

00:00:47 - Votación [9:06:26]

00:00:57 : 2.- Proposta de concesión do galardón ?Vigués Distinguido no ano 2026?, a título póstumo, a D. Fernando Franco Gómez. Expte. 21080/101. Expte. Pleno 5378/1101.

00:01:22 - Pérez Iglesias, Xabier

00:04:12 - Caballero Álvarez, Abel

00:04:22 - Sanchez Mendez, Luisa María

00:09:08 - Caballero Álvarez, Abel

00:09:13 - López Font, Carlos

00:14:39 - Caballero Álvarez, Abel

00:14:47 - Votación [9:20:26]

-- 0 --

Sen máis asuntos que tratar a Presidencia deu por rematada a sesión ás nove horas e cinco minutos (09:05) redactándose en soporte electrónico a ACTA que é asinada pola Presidencia e o secretario xeral do Pleno á que se incorpora certificación da Secretaría xeral correspondente o arquivo audiovisual da gravación da sesión, acreditativa da súa autenticidade e integridade.

De conformidade co acordo adoptado polo Pleno do Concello, na sesión ordinaria de data 27.01.2021, e co establecido no artigo 3 do Decreto 24/2018, do 15 de febreiro, sobre os libros de actas e de resolucións das entidades locais galegas, a presente Acta, identificada co nº 4/2026, e o seu arquivo audiovisual incorpóranse ó Libro Electrónico de Actas do Pleno correspondente ao ano 2024.
am.

A PRESIDENCIA
Abel Caballero Álvarez

O SECRETARIO XERAL DO PLENO
Jose Villan Fuertes